

Prof. dr. Eldan Kapur

Šef Katedre za anatomiju čovjeka / Redovni profesor

+387 33 226 478 (lokal 503)

eldan.kapur@mf.unsa.ba

ORCID ID: 0009-0009-1038-0776



BIOGRAFIJA

Dr. sci. med. Eldan Kapur, zaposlen je na Katedri za anatomiju čovjeka Medicinskog fakulteta u Sarajevu od 1996. godine do danas, trenutno u zvanju redovnog profesora. Medicinski fakultet u Sarajevu završio je 1996. godine sa prosječnom ocjenom 9.4. Ljekarski staž obavio je u Kliničkom centru Univerziteta u Sarajevu. Postdiplomski studij završio je na Medicinskom fakultetu u Sarajevu 2000. godine sa prosječnom ocjenom 9,9. Magistarski rad odbranio je 2002. godine, te stekao naučni stepen magistra medicinskih nauka. Doktorsku disertaciju odbranio je 2006. godine, čime je stekao naučni stepen doktora medicinskih nauka.

U zvanje docenta izabran je 2007. godine, 2013. godine u zvanje vanrednog, a 2019. godine u zvanje redovnog profesora za naučnu oblast “Anatomija čovjeka”. Pored asistentskih i nastavničkih poslova na Medicinskom fakultetu bio je angažovan i na drugim fakultetima

Univerziteta u Sarajevu (Stomatološki fakultet, Farmaceutski fakultet, Filozofski fakultet - odsjek za psihologiju, Fakultet sporta i tjelesnog odgoja, Pedagoški fakultet – odsjek za edukaciju i rehabilitaciju, Fakultet zdravstvenih studija). Trenutno je angažovan kao redovni profesor na Medicinskom, Kineziološkom, Filozofskom (odsjek za psihologiju), te Fakultetu zdravstvenih studija.

Do sada je kao autor i koautor objavio preko 90 radova na 10 internacionalnih kongresa i u 11 naučnih časopisa, od kojih je 56 u indeksiranim časopisima. Osim radova, učestvovao je u pisanju 16 recenziranih knjiga, udžbenika i priručnika koji se koriste na Medicinskom, Kineziološkom, Stomatološkom i Filozofskom fakultetu. U aprilu 2004. godine osvojio je prvo mjesto na kongresu “American Society of Regional Anesthesia and Pain Medicine, 29th Annual spring meeting & workshops, Orlando; Florida, USA, te drugo mjesto 2006. godine na 31st Annual Regional anesthesia Meeting and Workshops, Las Palmas, California, USA. Učestvovao je kao aktivni sudionik i istraživač u 8 naučno-istraživačkih projekata u domaćim i međunarodnim okvirima. U junu 2004. godine uspješno završio stereološki kurs na Medicinskom fakultetu u Ljubljani, a u julu 2005. godine i prestižni IDFM program "Train the Trainer Programme" u Heidelbergu o savremenim metodama učenja i provjere znanja. Takođe, pohađao kurs o modernim metodama podučavanja i provjere znanja na Jahorini 2006. godine. Kao predavač bio angažovan u workshop-ovima o modernim metodama podučavanja i provjere znanja u organizaciji Medicinskog fakulteta u Sarajevu, Medicinskog fakulteta u Istočnom Sarajevu i Stomatološkog fakulteta u Sarajevu. U organizaciji Medicinskog fakulteta pohađao seminar "Osiguranje kvaliteta kao preduvjet akreditacije". Pohađao i uspješno završio III, IV, V i VI savjetovanje o reformi visokog obrazovanja-primjena Bolonjskih principa na Univerzitetu u Sarajevu. Učestvovao u organizaciji 2., 3 i 4. “Kongresa morfologa BiH sa međunarodnim učešćem”.

Od 2017. do 2021. godine obavljao je funkciju prodekana za nastavu Medicinskog fakulteta u Sarajevu. Od maja 2024. godine obavlja funkciju šefa Katedre za anatomiju čovjeka.

Od aprila 1992. do decembra 1995. godine bio je aktivni pripadnik Armije RBiH u odbrambeno-oslobodilačkom ratu, u sastavu 10. Brdske i 115. motorizirane brigade I korpusa Armije RBiH. Za pokazanu hrabrost i angažman usmeno je i pismeno pohvaljivan od strane komande brigade i I korpusa Armije RBiH.

Broj citata objavljenih naučnih radova prema Google Scholar Citations: 1197 na dan 13. 01. 2026. godine.